

মাত্ৰাবিপ্রবির সিপিএস বিভাগের ২৬ শিক্ষার্থীকে বৃত্তি প্রদান

সুজন চন্দ্র দাস, কন্ট্রিবিউটিং রিপোর্টার,
মাত্ৰাবিপ্রবি

প্রকাশিত: ০২:২০, ২৮ জুলাই ২০২৫



×

টান্গাইলের মাওলানা ভাসানী বিজ্ঞান ও প্রযুক্তি বিশ্ববিদ্যালয়ের (মাত্ৰাবিপ্রবি) ক্রিমিনোলজি অ্যান্ড পুলিশ সায়েন্স (সিপিএস) বিভাগের ২৬ জন শিক্ষার্থীকে “অ্যাডভোকেট তপন বিহারী নাগ ছাত্রকল্যাণ তহবিল” থেকে বৃত্তি প্রদান করা হয়েছে।

রবিবার (২৭ জুলাই) বিশ্ববিদ্যালয়ের সিপিএস বিভাগের সম্মেলন কক্ষে এক আয়োজনের মাধ্যমে এই বৃত্তি প্রদান করা হয়। অনুষ্ঠানে প্রধান অতিথি হিসেবে উপস্থিত ছিলেন বিশ্ববিদ্যালয়ের উপাচার্য অধ্যাপক ড. মো. আনোয়ারুল আজীম আখন্দ।

তহবিলটির পৃষ্ঠপোষক হিসেবে উপস্থিত ছিলেন কুমিল্লা জজ কোর্টের সিনিয়র অ্যাডভোকেট তপন বিহারী নাগ। বিশেষ অতিথি হিসেবে বক্তব্য রাখেন লাইফ সায়েন্স অনুষদের ডিন অধ্যাপক ড. মো. আবু জুবাইর। এছাড়া শুভেচ্ছা বক্তব্য প্রদান করেন সিপিএস বিভাগের অধ্যাপক ড. মুহাম্মদ উমর ফারুক। অনুষ্ঠানে সভাপতিত্ব করেন সিপিএস বিভাগের চেয়ারম্যান অধ্যাপক মোহাম্মদ আশরাফুল আলম।

তহবিলের আওতায় ২০২৪ ও ২০২৫ বর্ষের ২৬ জন শিক্ষার্থীর মাঝে এই বৃত্তি প্রদান করা হয়। এ সময় বিভাগের শিক্ষক, শিক্ষার্থী, কর্মকর্তা ও কর্মচারীবৃন্দ উপস্থিত ছিলেন।

×

উপস্থিত অতিথিবৃন্দ তাঁদের বক্তব্যে বৃত্তিপ্ৰাপ্ত শিক্ষার্থীদের অভিনন্দন জানিয়ে ভবিষ্যতে আরও ভালো করার আহ্বান জানান। তপন বিহারী নাগের এ মহতী উদ্যোগকে শিক্ষার্থীদের স্বপ্নপূরণে গুরুত্বপূর্ণ সহায়ক বলেও উল্লেখ করা হয়।